

Myner Heren Warffschall hüt dissen Dag tho voren vth-  
gahn/ein ander Mann de wat tho warven hefft / de schall so  
lange tho rügge stahn / ydt gahe dar wynder vmmen fort / wat  
Land Recht ys.

Ich begehre noch Ordell vnde Recht / eines rechten De-  
ling Holsten Recht / wat ick hyr ock recht beden schall / aver  
ein beheget Lottding.

Her Baget / wil gy dat Ordell vnde Land Recht weten /  
wil gy Recht holden / so scholl gy Recht beden.

So dhoe ick ydt / als my ydt tho Recht funden ys / bede  
ick hyr ein Recht vth / aver ein beheget Lottding thom ersten  
mahl.

Thom andern mal bede yck hyr ein Recht vth / aver ein  
beheget Lottding.

Ich begehre Ordell vnde Recht / wo dick vnde saken dat  
ick hyr ein Recht vth beden schall.

Her Baget / wil gy dat Ordell vnde Land Recht weten /  
dat scholl gy dremal dhon / so schall ydt Macht hebben.

Thom drüdden mal bede ick hyr ein Recht vth / aver ein  
beheget Lottding / yeder ein sehe tho / dat he syne Klage recht  
vor de Heren bringe / Recht schall en vorsehren / Burecht  
vorbede ick ehm.

Ich begehre noch Ordell vnde Recht / eines rechten De-  
ling Holsten Recht / wor ick dyt Lottding nicht so beschedliken  
heget hebbe / dat vnse döchtige Hoffman dar möchte Bröke  
van nehmen / vnd Schulde vth vorgeven / vnd ick möchte dar  
ein ander Lottding vth vorseghen.

Her Baget / wil gy dat Ordell vnde Land Recht weten /